

Ciengj Bauqva Bouxcuengh:

Ndaej Haenh Dwg “Giuzmakgyamj Baihdoeng”

被誉为“东方橄榄球”的壮族抢花炮

□ Yizmaj Fangh Haij



▲ Baengh rengz ak caeuq uk gvai ndaejhingz.



▲ Aenbauqva couh yo youq gwnz dingj gyaqbauqva.



▲ Aensoengqbauq cienzdoengj saedyungh fuengbienh.



▲ Bouxhingz ndaej ciengj hawj mougangq.



▲ Bauqva haeuj fwngz gaejbah angq.



▲ Rengzak diuq sang ciengj bauqva.

Moix bi ndwencieng、ndwen-
ngeih、sam nyied sam roxaeuz
soucou sat le, Guengjsae raeuz
mbangj dieg minzcuz vunznoix cungj
gag heuhcomz guh hangh yindung
ciengj bauqva. Vunzlai daengx mbanj
roxnaeuz gij mbanj henzgyawj cang-
ndang moqsupsup angqvauvau dwk
comz daengz dieg ciengj bauqva
humxyawj, nauhyied dangqmaz. Bi
2006, ciengj bauqva Bouxcuengh
ndaej lied haeuj buek daih'it swcigih
gaep feihvuzciz vwnzva yizcanj
mingzloeg.

Ciengj bauqva Bouxcuengh dwg
doengh dieg Guengjsae、Gveicouh、
Huznanz haenx hangh hozdung
dijyuz cienzdoengj ndawbiengz minz-
cuz vunznoix Cuengh、Yauz、Dung
ndeuz, aeu Namzningz Si Yunghningz
Gih Cunghhoz Yangh vunzlai Mbanj-
cuengh ciengj bauqva ceiq mizmingz,
riuzcienz daengz seizneix gaenq miz
600 lai bi lizsij. Youq mwh Ciu-
mingz satbyai Ciuhcengh codaeuz,
ranghdieg Cunghhoz Yangh couh miz
vunzmbanj aeu daeuh daj baihgrog
bakdou vanqsaj ngutngaueu haeuj
ranzdajcawj, hopngomx gangraemx,
heuhguh “yinx lungz dauq”; youh
aenvih ndwenngieih co'ngieih dwg
ngoenseng “saenz dojdeih”, gij
miuhsaenz dojdeih gizneix engq dwg
hoenzieng mbouj gat, baenzneix
ciengj bauqva Mbanjcuengh cuengq-
caeq saenzsien vunzlai guh'angq neix
couh menhmenh hwng hwnjdauj.

Aenvih ciengj bauqva hozdung gawq
cuengqcaeq saenzlungz caeuq saenz
dojdeih, youh dakgeiq gij maqmuengh
gyaeundeih vunzlai, caemhcai q miz
gij goengnaengz caeuq gijdi j di yuz、
guh'angq、yawjgonz haenx, diuz-
mingh de hoenghhwd, cigdaengz
seizneix lij hwnghoengh mbouj byaiz.

Ngoenzciet ciengj bauqva gak
dieg cix mbouj doxdoengz, miz
ndwencieng cosam, caemh miz
ndwencieng cibngux、ndwenngieih co-
ngeih、ndwenngieih cibngux caeuq
ndwensam cosam. Youq ngoenzciet
ciengj bauqva, Mbanjcuengh laux-
nyaeq saimbwk, bouxboux cungj
cangndang moqsup lengigyaeu, bae
gizdieg guh hozdung hophumx yawj-
gonz hemq gyayouz. Aen “bauqva”
ciengj bauqva Bouxcuengh dwg aen
gengxdiet luenz ciggingq 5 lizmij
baenzneix, baihgrog aeu baengz-
hoengz roxaeuz couzhoengz heuxcug,
cuengq youq gwnz aensoengqbauq
“deihlien” coux siu rimmwd haenx,
diemjdawz le rongxnyingz hwnj gwnz-
mbwn; deq bauqva doek roengzdaeu
le gyoengq bouxsai rengzak camgya
ciengj bauqva haenx couh doengzcaez
buetcaenx hwnjbae, mwngz dued gou
ciengj, roxaeuz rag fwngz rag din,
roxnaeuz beg mbaq got hwet, mbanj
mbat baenz bang vunz benggot youq
giz ndeu, mbanj baez cibgeij vunz
doxbeg doxdaeb baenz dong, ciengz-
mienh gyukgyad luenhlad, daengx
ciengz sing hemq sing swenj mbouj

dingz. Ciengj bauqva Bouxcuengh
cienzdoengj haenx mbouj hanh vunz-
soq, mbouj faen mbiengjdoih, moix
bauq cungj ciengj, sam bauq guhsat,
dwg gvihaeuj “gag dwk gag hoenx”.
Gizdieg doengciengz senj youq
haenzdah、doenghreih doenghnaz
roxnaeuz gwnz bo dieg haemq gvangq
bingz haenx, cix mbouj dingh gyaiq-
bien. Bauqnding doek roengz dieg
seiz, mbanjseiz doek roengz ndaw
daemz、gwnz ranz、gwnz gofaex...
Mboujlwnh dwg doek daengz gizlawz,
daihgya cungj buet bae ciengjdued.
Boux sien ciengj ndaej aen bauqnding
haenx, lij itdingh ginggvaq gyoengq-
vunz gyaepaengz ciengjdued cij
ndaej, cigdaengz miz boux he dawz
bauqnding soengq daengz aen daiz-
caizbuenq ndaw miuh cij suenq hingz.
Riuznaeuz ciengj ndaej bauqdaeu
siengcwngh “gitsiengz habeiq”, bauq
daihngieih siengcwngh “rumz dingh
fwn yinx”, bauq daihsam siengcwngh
“dajndaem dajciengx fungsou”,
mbangj dieg caemh faenbied sieng-
cwngh “fatcaiz、demlgw、hab'eiq”
daengj. Sam bauq cungj ciengj sat le,
sing loxlez、sing hemqswenj、sing
gyonglaz、sing bauqreng couh caez
yiengj gyukgyad, gyoengqvunz mbanj
yiengjsouh gij angqyangz ndaejhingz,
mbangj cukhoh gij ndaej- hingz
bouxwnq, baenz bang baenz gyoengq,
gangjgangj riuriu, nanznanz mbouj
nyienh biek bae.

Ciengj bauqva hangh hozdung
dijyuz ndawbiengz Bouxcuengh neix,
aenvih gij cingzdoh haenqhwd ciengj-
dued de beij ndaej hwnj gij doxdax
dwk giuzmakgyamj guekgya baihsae,
habngamj yawjgonz, ndaej hekyouz
guekrog、lauxhangz mumaeq hozdung
dijyuz ndawbiengz guekrog haenx
dwg “giuzmakgyamj baihdoeng”. Daj
Gaiq Daihsam Daengx Guek Minzcuz
Vunznoix Cienzdoengj Dijyuz Yin-
dungvei hainduj, ciengj bauqva baenz
le gij hanghmoeg doxdax cingqsik
ndawde hangh ndeu lo.



▲ Yaek ciengj bauqva daengz fwngz caen mbouj yungzheih.



▲ Gyoengq bouxsai rengzak angqhoh ndaejhingz.